

## Салық салу мақсаттары үшін цифрлық майнерлер мен цифрлық майнингтік пулдардың кірістері туралы мәліметтерді ұсыну қағидаларын бекіту туралы

Қазақстан Республикасының Цифрлық даму, инновациялар және аэроғарыш өнеркәсібі министрінің м.а. 2023 жылғы 26 сәуірдегі № 166/НҚ бұйрығы. Қазақстан Республикасының Әділет министрлігінде 2023 жылғы 28 сәуірде № 32390 болып тіркелді.

"Қазақстан Республикасындағы цифрлық активтер туралы" Қазақстан Республикасы Заңының 4-бабы 3-тармағының 2) тармақшасына сәйкес БҰЙЫРАМЫН:

**Ескерту. Кіріспе жаңа редакцияда - ҚР Премьер-Министрінің орынбасары – Жасанды интеллект және цифрлық даму министрінің 10.06.2026 № 302/НҚ (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

1. Қоса беріліп отырған Салық салу мақсаттары үшін цифрлық майнерлер мен цифрлық майнингтік пулдардың кірістері туралы мәліметтерді ұсыну қағидалары бекітілсін.

2. Қазақстан Республикасы Цифрлық даму, инновациялар және аэроғарыш өнеркәсібі министрлігінің Электрондық өнеркәсіпті және цифрлық активтер индустриясын дамыту департаменті заңнамада белгіленген тәртіппен:

1) осы бұйрықты Қазақстан Республикасының Әділет министрлігінде мемлекеттік тіркеуді;

2) осы бұйрық ресми жарияланғаннан кейін Қазақстан Республикасы Цифрлық даму, инновациялар және аэроғарыш өнеркәсібі министрлігінің және Қазақстан Республикасы Қаржы министрлігінің интернет-ресурсында орналастыруды;

3) осы бұйрық мемлекеттік тіркелгеннен кейін он жұмыс күні ішінде Қазақстан Республикасы Цифрлық даму, инновациялар және аэроғарыш өнеркәсібі министрлігінің Заң департаментіне осы тармақтың 1) және 2) тармақшаларында көзделген іс-шаралардың орындалуы туралы мәліметтерді ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Цифрлық даму, инновациялар және аэроғарыш өнеркәсібі вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі.

Қазақстан Республикасының  
цифрлық даму, инновациялар  
және аэроғарыш өнеркәсібі  
министрінің міндетін атқарушы

А. Турысов

"КЕЛІСІЛДІ"

Қазақстан Республикасының  
Қаржы министрлігі

Қазақстан Республикасының  
цифрлық даму, инновациялар  
және аэроғарыш  
өнеркәсібі министрінің  
міндетін атқарушы  
2023 жылғы 26 сәуірдегі  
№ 166/НҚ бұйрығымен  
бекітілген

## **Салық салу мақсаттары үшін цифрлық майнерлер мен цифрлық майнингтік пулдардың кірістері туралы мәліметтерді ұсыну қағидалары**

### **1-тарау. Жалпы ережелер**

1. Осы Салық салу мақсаттары үшін цифрлық майнерлер мен цифрлық майнинг пулдарының кірістері туралы мәліметтерді ұсыну қағидалары (бұдан әрі – Қағидалар) "Қазақстан Республикасындағы цифрлық активтер туралы" Қазақстан Республикасы Заңының (бұдан әрі – Заң) 4-бабы 3-тармағының 2) тармақшасына сәйкес әзірленді және оларға салық салу мақсаттары үшін цифрлық майнерлер мен цифрлық майнингтік пулдардың кірістері туралы мәліметтерді ұсыну тәртібін айқындайды.

**Ескерту. 1-тармақ жаңа редакцияда - ҚР Премьер-Министрінің орынбасары – Жасанды интеллект және цифрлық даму министрінің 10.06.2026 № 302/НҚ (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

2. Осы Қағидаларда мынадай негізгі ұғымдар пайдаланылады:

1) цифрлық активтер саласындағы уәкілетті орган (бұдан әрі – уәкілетті орган) – цифрлық активтер саласындағы басшылықты және салааралық үйлестіруді жүзеге асыратын орталық атқарушы орган;

2) цифрлық майнер – цифрлық майнинг жөніндегі қызметті жүзеге асыратын Қазақстан Республикасының жеке кәсіпкері немесе заңды тұлғасы;

3) цифрлық майнингтік пул – Қазақстан Республикасының цифрлық активтер туралы заңнамасына сәйкес аккредиттелген, цифрлық майнерлердің цифрлық майнингке арналған аппараттық-бағдарламалық кешенінің қуаттарын біріктіру қызметін ұсынатын, цифрлық майнерлердің бірлескен қызметінің нәтижесінде пайда болған (жасалған) цифрлық активтерді олардың арасында бөлуді жүзеге асыратын заңды тұлға.

**Ескерту. 2-тармаққа өзгеріс енгізілді - ҚР Премьер-Министрінің орынбасары – Жасанды интеллект және цифрлық даму министрінің 10.06.2026 № 302/НҚ (алғашқы**

ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

3. Цифрлық майнерлер мен цифрлық майнингтік пулдардың кірістері туралы мәліметтер цифрлық майнерлер мен майнингтік пулдардың жылдық жиынтық кірістерін айқындау мақсатында ұсынылады.

## **2-тарау. Салық салу мақсаттары үшін цифрлық майнерлер мен цифрлық майнингтік пулдардың табыстары туралы мәліметтерді ұсыну тәртібі**

4. Цифрлық майнингтік пул цифрлық майнерлердің бірлескен қызметінің нәтижесінде алынған цифрлық активтерді олардың арасында бөледі.

5. Цифрлық майнингтік пул ай сайын цифрлық активтерді бөлу орын алған айдан кейінгі айдың 25 (жиырма бесінші) күнінен кешіктірмей уәкілетті органға және салықтардың және бюджетке төленетін басқа да міндетті төлемдердің түсуін қамтамасыз ету саласындағы басшылықты жүзеге асыратын уәкілетті органға (бұдан әрі – уәкілетті органдар) тиісті күнтізбелік айдағы цифрлық майнерлердің кірістері туралы мәліметтерді осы Қағидаларға 1-қосымшаға сәйкес нысан бойынша өтінішті (бұдан әрі – өтініш) және осы Қағидаларға 2-қосымшаға сәйкес нысан бойынша тиісті күнтізбелік айдағы цифрлық майнерлер мен цифрлық майнингтік пулдардың кірістері туралы мәліметтерді (бұдан әрі – мәліметтер) уәкілетті органның кеңсесі арқылы ұсынады.

Ескерту. 5-тармақ жаңа редакцияда - ҚР Цифрлық даму, инновациялар және аэроғарыш өнеркәсібі министрінің м.а. 25.12.2023 № 663/НҚ (алғашқы ресми жарияланған күнінен бастап күнтізбелік он күн өткен соң қолданысқа енгізіледі) бұйрығымен.

6. Цифрлық майнерлер мен цифрлық майнингтік пулдардың кірістері туралы мәліметтер өзгерген кезде цифрлық майнингтік пул өзгертілген мәліметтерді уәкілетті органдарға олар өзгерген күннен бастап 10 (он) жұмыс күні ішінде ұсынады.

7. Уәкілетті органдар өтініш пен мәліметтер келіп түскен күні оларды қабылдауды және тіркеуді жүзеге асырады.

8. Уәкілетті органдар өтініш пен мәліметтерді тіркеген сәттен бастап 2 (екі) жұмыс күні ішінде олардың толықтығын тексереді.

Цифрлық майнингтік пулы құжаттар топтамасын толық ұсынбаған кезде уәкілетті органдар көрсетілген мерзімде цифрлық майнингтік пулына өтінішті одан әрі қараудан дәлелді бас тартуды жібереді.

9. Цифрлық майнингтік пул анықталған ескертулерді жойғаннан кейін осы Қағидалардың 5 және 6-тармақтарында белгіленген тәртіппен өтініш пен мәліметтерді қайта береді.

**ЗҚАИ-ның ескертпесі!**

**10-тармақ жаңа редакцияда көзделген - ҚР Премьер-Министрінің орынбасары –**

Жасанды интеллект және цифрлық даму министрінің 10.06.2026 № 302/НҚ (12.07.2026 бастап қолданысқа енгізіледі) бұйрығымен.

10. Уәкілетті орган және (немесе) салықтардың және бюджетке төленетін басқа да міндетті төлемдердің түсуін қамтамасыз ету саласындағы басшылықты жүзеге асыратын уәкілетті орган цифрлық майнингтік пулдың мәліметтерді ұсынбау, уақтылы, дәйексіз және (немесе) толық ұсынбау фактілерін анықтаған кезде көрсетілген бұзушылықтар анықталған күннен бастап 5 (бес) жұмыс күні ішінде майнингтік пулға хабарламаны ақпараттық жүйе арқылы жолдайды.

11. Қазақстан Республикасындағы цифрлық активтер туралы" заңда белгіленген шарттарда және тәртіппен "Астана" халықаралық қаржы орталығының лицензиясы бар цифрлық активтер биржалары арқылы өткізуге жататын қамтамасыз етілмеген цифрлық активтердің саны мәліметтерге сәйкес айқындалады.

Ескерту. Қағидалар 11-тармақпен толықтырылды - ҚР Цифрлық даму, инновациялар және аэроғарыш өнеркәсібі министрінің м.а. 25.12.2023 № 663/НҚ ( алғашқы ресми жарияланған күнінен бастап күнтізбелік он күн өткен соң қолданысқа енгізіледі) бұйрығымен.

ЗҚАИ-ның ескертпесі!

1-қосымша жаңа редакцияда көзделген - ҚР Премьер-Министрінің орынбасары – Жасанды интеллект және цифрлық даму министрінің 10.06.2026 № 302/НҚ (12.07.2026 бастап қолданысқа енгізіледі) бұйрығымен.

Салық салу мақсаттары үшін  
цифрлық майнерлер мен  
цифрлық майнингтік пулдардың  
кірістері туралы мәліметтерді  
ұсыну қағидаларына  
1-қосымша  
Нысан

**Салық салу мақсаттары үшін цифрлық майнерлер мен цифрлық майнингтік пулдардың кірістері туралы мәліметтерді ұсыну туралы өтініш**

\_\_\_\_\_ (уәкілетті  
органның толық атауы)

\_\_\_\_\_ (цифрлық майнингтік пул атауы, бизнес сәйкестендіруші нөмірі)

Салық салу мақсаттары үшін цифрлық майнерлер мен цифрлық майнингтік пулдардың 202\_\_ жылғы \_\_\_\_\_ кірістері туралы мәліметтерді қабылдауды сұраймын (ай)

Қоса беріледі \_\_\_\_\_ парақ.

Осымен расталады:

барлық қоса берілген құжаттар шындыққа сәйкес келеді және сенімді болып табылады;

өтініш беруші заңмен қорғалатын құпияны құрайтын, ақпараттық жүйелердегі қолжетімділігі шектеулі дербес деректерді пайдалануға келіседі.

Басшы \_\_\_\_\_ ( электрондық-цифрлық (тегі, аты, әкесінің аты (бар болған қолтаңба) жағдайда)

Толтыру күні: 202\_\_ жылғы " \_\_ " \_\_\_\_\_

Салық салу мақсаттары үшін  
цифрлық майнерлер мен  
цифрлық майнингтік пулдардың  
кірістері туралы мәліметтерді  
ұсыну қағидаларына  
2-қосымша  
Нысан

Ескерту. 2-қосымша жаңа редакцияда - ҚР Премьер-Министрінің орынбасары – Жасанды интеллект және цифрлық даму министрінің 10.06.2026 № 302/НҚ (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

Ұсынылады: Қазақстан Республикасының Жасанды интеллект және цифрлық даму министрлігіне.

Әкімшілік деректер нысаны мына интернет-ресурста орналастырылған: <https://www.gov.kz/memleket/entities/mdai?lang=ru&ysclid=loiggo5o679664098>.

Әкімшілік деректер нысанының атауы: Салық салу мақсаттары үшін цифрлық майнерлер мен цифрлық майнингтік пулдардың кірістері туралы мәліметтер.

Әкімшілік деректер нысанының индексі (нысан атауының әріптік-сандық қысқаша көрінісі): 1-ЦМ

Кезеңділігі: ай сайын

Есепті кезең: 20 \_\_ жылғы \_\_\_\_\_ ай.

Ақпаратты ұсынатын тұлғалар тобы: цифрлық майнингтік пулдар

Әкімшілік деректер нысанын ұсыну мерзімі: ай сайын 25 (жиырма бесінші) күннен кешіктірмей.

|  |                                                                                                  |                                                                                  |                                       |                  |                                   |                                                                       |  |
|--|--------------------------------------------------------------------------------------------------|----------------------------------------------------------------------------------|---------------------------------------|------------------|-----------------------------------|-----------------------------------------------------------------------|--|
|  | Цифрлық майнердің және цифрлық майнингтің бизнес сәйкестендіру нөмірі, жеке сәйкестендіру нөмірі | Цифрлық майнинг бойынша қызметті жүзеге асыруға арналған лицензияның нөмірі және | Цифрлық электрондық әмияндың деректем | Цифрлық бөлінген | Цифрлық майнерге берілген цифрлық | Цифрлық майнингтік пулдың комиссиясы 9-цифрлық активтерде көрсетіледі |  |
|  |                                                                                                  |                                                                                  |                                       |                  |                                   | цифрлық активтің атауы                                                |  |

| Р/с № | і к<br>пулдың<br>атауы | ндіру<br>нөмірі | оның<br>берілген<br>күні | елері (мекенжа<br>йы) | активті<br>тарату<br>күні | цифрлық<br>активтің<br>атауы | активтің<br>саны,<br>бірлік |     | Саны,<br>бірлік |
|-------|------------------------|-----------------|--------------------------|-----------------------|---------------------------|------------------------------|-----------------------------|-----|-----------------|
| 1     | 2                      | 3               | 4                        | 5                     | 6                         | 7                            | 8                           | 9.1 | 9.2             |

Атауы \_\_\_\_\_ Мекенжайы \_\_\_\_\_

Телефон \_\_\_\_\_

Электрондық пошта мекенжайы \_\_\_\_\_

Орындаушы \_\_\_\_\_

тегі, аты, әкесінің аты (бар болса) қолы, телефоны

Басшы немесе оның міндетін атқарушы тұлға

тегі, аты, әкесінің аты (бар болса) қолы

Мөрдiң орны (жеке кәсiпкерлiк субъектiлерi болып табылатын адамдарды  
қоспағанда) \_\_\_\_\_